

眞朝會共話人間興廢應運佐時康遽命騎鯨客旄羽下穹蒼
稟天和懷信惠効忠良甘分重職調御大度愈恢張况是從
來聲價優渥溥霑高下民願庇餘光獻頌期君壽永與鎮安陽

長思仙

本名長
相思

贈平山劉志常神山劉志本

平山劉神山劉更易俗流作道流人情誓莫留悟驂騮禁驂騮
燦燦神珠得自由光明常運邇

贈濱州李志持

李志持做修持早把心田荆棘治休教下手遲汲華池灌華池
劣馬顛猿不騁馳功成拜玉墀

道藏輯要

草堂集

三

昇集七
川川文

贈平州劉志眞

慕全眞處全眞舉動行爲務正眞惟憑一志眞合天眞契天眞
十二時中守內眞頭頭現本眞

贈平州宋志洪

脫樊籠離樊籠無變無遷抱始終直須顯志洪積眞功累眞功
眞正無私合大空鑪中丹自紅

步雲鞋

本名軟
翻鞋

贈玄眞觀單姑等獻履鞋

幸遇教風開和氣洽吾懷玄眞清眾總仙才志謙和恭順垂慈
惠慇懃獻步雲鞋 妙手巧剗裁珠寶砌雙顯一回朝禮躡壇

臺待他年真行真功滿超塵世赴蓬萊

浣溪沙

劉姑姑生朝

仲夏賞開四葉初仙姬分秀下雲輿祥光瑞氣共相扶
法性殊無塵事累靈芝那有世情拘自然遐壽等麻姑

醉桃源

趙恭善生朝

前期三日是蕤賓芝軒別紫宸祥烟瑞靄結氤氳同資誕玉眞
才敏慧性敦淳常希道德鄰人間短景不堪陳壺天別有春

訴衷情

道藏輯要

草堂集

三

昇集七
川文川

九日登黃崖

陰陽又早一年期景物正淒淒憑高暢情凝望極目徹天涯
秋日短塞天低鴈南飛詩題紅葉酒泛黃花不醉無歸

木蘭花慢

中秋

又中秋屆候日初沈夜微涼對烟障雲屏良朋益友逸興何長
颯然玉輪宛轉歷茫茫巨浸躍天網碾破玻璃萬頃洞明三界
十方宜將火棗交梨開清賞勝飛觴肆雅志幽懷遐襟曠迹
百慮俱忘爰思教風始振感重陽隱語示回陽桂樹香傳十九
致余極味先嘗